



Bosnia and Herzegovina
Federation of Bosnia and Herzegovina
CANTON SARAJEVO
Ministry of Traffic

Broj: 04-11-47593-5/20 BT
Sarajevo, 01.02.2021.godine

Na osnovu člana 64. Stav (1) tačka b) i člana 70. stav (1), (3) i (6) Zakona o javnim nabavkama („Sl. glasnik BiH“ broj:39/14), te Preporuke Komisije u postupku javne nabavke pod nazivom „Održavanje semafora u Kantonu Sarajevo za period od 3 godine“ br: 04-11-47593-4/20 od 01.02.2021.godine, Ministar saobraćaja Kantona Sarajevo d o n o s i:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku u postupku javne nabavke: „Održavanje semafora u Kantonu Sarajevo za period od 3 godine“, te ugovor dodjeljuje ponuđaču **Step d.d. Sarajevo** prema dostavljenoj ponudi br: 04-11-2591 od 29.01.2021. godine u ukupnoj vrijednosti od **1.404.000,00 KM sa PDV-om.**

Član 2.

Prijedlog Ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokaze o kvalificiranosti u roku od 5 dana od dana zaprimanja odluke o izboru najpovoljnijeg ponuđača i to:

- izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Kandidat/ ponuđač je dužan da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona o javnim nabavkama, dostavi **uvjerenje Suda BiH i uvjerenje suda prema sjedištu pravnog lica**, odnosno kandidata/ponuđača, iz kojih će biti vidljivo da mu u



krivičnom postupku nije izrečena pravosnažna presuda kojom je osuđen za sva krivična djela iz člana 45. stav (1) tačka a) Zakona.

Ponuđač je dužan dostaviti dokaze da u radnom odnosu na neodređeno vrijeme, ugovorom o radu sa punim radnim vremenom ili ugovorom o djelu koji sadrži elemente ugovora o radu, ima minimalno zaposleno stručno osoblje za vršenje predmetnih usluga i to :

- 1 tehničar informatike (SSS),

obzirom da je za navedeno lice u ponudi dostavio izjavu prema zahtjevu iz tenderske dokumentacije.

Ukoliko izabrani ponuđač propusti u ostavljenom roku dostaviti tražene dokaze, ova odluka će se poništiti.

Član 3.

Ova Odluka objavit će se na web stranici ugovornog organa [www:http:ms.ks.gov.ba](http://ms.ks.gov.ba) istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 04-11-47593/20 BT od 14.12.2020. godine – „Održavanje semafora u Kantonu Sarajevo za period od 3 godine“. Javna nabavka je provedena putem postupka: Otvoreni postupak. Vrijednost javne nabavke bez PDV-a iznosi 1.200.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1242-1-2-29-3-25/20 dana 15.12.2020. godine u 09:46 h.

Rok za dostavu ponuda bio je 29.01.2021. godine do 11,00 sati.

Za navedenu nabavku u predviđenom roku i uredno zatvorenoj koverti, dostavljena je ponuda ponuđača:

- Step d.d. Sarajevo


U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-11-47593-2/20 BT od 22.01.2021.godine provela je proceduru nabavke, obavila javno otvaranje ponuda, sačinila i dostavila Zapisnik o javnom otvaranju ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa. Dana 01.02.2021. godine Komisija je na zatvorenoj sjednici izvršila pregled i ocjenu ponuda te sačinila Zapisnik broj: 04-11-47593-4/20 te utvrdila slijedeće:

- da je ukupan broj pristiglih ponuda jedan (1)
- da je blagovremeno zaprimljena jedna (1) ponuda
- da nema neblagovremeno zaprimljenih ponuda
- da je ponuđač Step d.d. Sarajevo dostavio ponudu koja ispunjava formalno-pravne uslove za učešće, kao i tehničke karakteristike i druge uslove propisane od strane ugovornog organa, te sačinio tabelu koja čini sastavni dio Zapisnika.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda kojeg čini i preporuka Komisije, te je sastavni dio ove odluke.

U skladu sa kriterijumom za dodjelu ugovora “najniža cijena”, **ugovor se dodjeljuje ponuđaču Step d.d. Sarajevo u ukupnoj vrijednosti nabavke 1.404.000,00 KM (sa PDV-om).** Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona



o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponudač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 7.500,00 KM, u skladu sa članom 108. stav 1. tačka f) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



MINISTAR

dnan Šteta

Prilog:

1. - Zapisnik o pregledu i ocjeni ponuda broj 04-11-47593-4/20 od 01.02.2021.godine sa svim prilogima

Dostaviti:

1. Step d.d. Sarajevo
Ul. Halilovići br.2, 71000 Sarajevo
2. Ministarstvo saobraćaja Kantona Sarajevo
3. evidenciji
4. a/a



